

潘黃門集卷第四

晉 東牟潘 岳著

明 河東呂兆禧校



詩 四言

關中詩 十六首 文選後

於皇時晉受命既固三祖在天聖王紹祚德博化光  
刑簡枉錯微火不戒延我寶庫

其一

蠢爾戎狄狡焉思肆虞我國青窺我利器岳牧慮殊



威懷理二將無專策兵不素肄

其二

翹、趙王請徒三萬朝議惟疑未逞斯願桓桓梁征  
高牙乃建旗蓋相望偏師作援

其三

虎視耽耽威彼好時素甲日耀玄幕雲起誰其繼之  
夏侯卿士惟係惟處別營其時

其四

夫豈無謀我士承平守有完郭戰無全兵鋒交卒奔  
孰免孟明飛檄秦郊告敗上京

其五

周狗師令身膏氏斧人之云二貞節克舉盧播違命  
投畀朔土爲法受惡誰謂荼苦

其六

哀此黎元無罪無辜肝腦塗地白骨交衢夫行妻寡  
父出子孤俾我晉民化爲狄俘

其七

亂離斯瘼日月其稔天子是矜盱眙食晏寢主憂臣勞



孰不祗慄愧無獻納尸素以甚

其八

皇赫斯怒爰整精銳命被上谷指日遄逝親奉成規  
稜威遐厲首陷中亭揚聲萬討

其九

兵固詭道先聲後實聞之有司以萬爲一紂之不善  
我未之必虛晶滿德繆彰甲吉

其十

雍門不啟陳沂危偏觀逐虎奮感恩輸力重圍克解

危城載邑豈曰無過功亦不測

其十一

情固萬端于何不有紛紜齊萬亦孔之醜曰納其降  
曰臬其首疇真可掩孰僞可久

其十二

旣徵爾辭旣蔽爾訟當乃明實否則證空好爵旣靡  
顯戮亦從不見竇林伏尸漢邦

其十三

周人之詩寔曰采薇北難獫狁西患昆夷以古况今



何足曜威徒愍斯民我心傷悲

其十四

斯民如何荼毒于秦師旅既加餓饉是因癘疫淫行  
荆棘成榛絳陽之粟浮於渭濱

其十五

明明天子視民如傷申命群司保我封疆靡暴於衆  
無陵于強惴惴寡弱如熙春陽

其十六

為賈謐作贈陸機 十一首 文選校

肇自初創二儀網緼粵有生民伏羲始君結繩闡化  
八象成文茫茫九有區域以分

其一

神農更王軒轅承紀畫野離疆爰封衆子夏殷既襲  
宗周繼祀縣縣瓜分六國互峙

其二

強秦兼并吞滅四隅子嬰面櫬漢祖膺圖靈獻微弱  
在涅則淪三雄鼎足孫啟南吳

其三



南吳伊何僭號稱王大晉統天仁風遐揚僞孫銜璧  
奉土歸疆婉婉長離凌江而翔

其四

長離云誰咨爾陸生鶴鳴九臯猶載厥聲况迺海隅  
播名上京爰應旌招撫翼宰庭

其五

儲王之選實簡惟良英英朱鸞來自南岡耀藻崇止  
玄冕丹裳如彼蘭蕙載採其芳

其六

藩岳作鎮輔我京室旋反桑梓帝弟作弼或云國宜  
清塗攸失吾子洗然恬澹自逸

其七

廊廟惟清俊又是延擢應嘉舉自國而遷齊轡羣龍  
光讚納言優游省闈珥筆華軒

其八

昔余與子繾綣東朝雖禮以賓情同友僚嬉娛絲竹  
撫鞞舞韶修日朗月攜手逍遙

其九



自欣離群二周於今雖簡其面分著情深子其超矣  
實慰我心發言為詩俟望好音

其十

欲崇其高必重其層立德之柄莫匪安恒善在南稱樨  
度北則橙崇子鋒穎不頽不崩

其十一

家風詩

縮髮縮髮上亦髮止日祇日祇敬亦慎止靡專靡有  
受之父母鳴鶴匪和析薪弗荷隱憂孔疚我堂靡補

義方既訓家道穎穎豈敢荒寧一日三省

於賈謐坐講漢書

治道在儒弘儒由人顯允魯侯文質彬彬筆下摛藻  
席上敷珍前疑惟辨舊史惟新惟新爾史既辨爾疑  
延我寮友講此微辭

送別王世胄

一作送王堪

堪為成都王軍司馬岳送至北邙別作詩

微微髮膚受之父母峩峩王侯中外之首子親伊姑  
我父唯舅

張望本無此首題作別詩



又芒送別王世胄

朱鑣既揚四轡既整駕言餞行告辭芒嶺情有遷延  
日無餘影廻轅南翔心焉北騁

離合詩

佃漁始化人民穴處意守醇樸音應律呂思桑梓被  
原卉木在野錫鸞未設金石拂舉楊害咎蠲消吉德  
流晉谿谷可安奚作棟宇容媯然以喜焉懼外侮熙  
神委命已求多祐姬嘆彼季末口出擇語誰能墨誠  
言喪厥所誰壟畝之該龍潛巖阻渺義崇亂少長失

金谷

詩 五言

金谷集作詩

文選校

王生和鼎實石子鎮海沂親友各言邁中心悵有違  
何以叙離思携手游郊畿朝發晉京陽夕次金谷湄  
迴谿縈曲阻峻坂路威夷綠池泛淡淡青柳何依依  
濫泉龍麟澗激波連珠揮前庭樹沙棠後園植烏桺  
靈囿繁石榴茂林列芳梨飲至臨華沼遷坐登隆坻  
玄醴染朱顏但歎杯行遲揚桴撫靈鼓簫管清且悲



春榮誰不慕歲寒良獨希投分寄石友白首同所歸

河陽縣作 二首 文選

微身輕蟬翼弱冠忝嘉招在疚妨賢路再升上宰朝  
 猥荷公叔舉連陪廁王僚長嘯歸東山擁耒耨時苗  
 幽谷茂纖葛峻巖敷榮條落英隕林趾飛莖秀陵橋  
 卑高亦何常升降在一朝徒恨良時泰小人道遂消  
 譬如野田蓬幹流隨風飄昔倦都邑遊今掌河朔徃  
 登城眷南顧凱風揚微綃洪流何浩蕩脩芒鬱岩峩  
 誰謂晉京遠室邇人實遼誰謂宰邑輕令名患不劬  
 人生天地間百年孰能要歎如敲石火譬若截道燧  
 齊都無遺聲桐鄉有餘謔福謙在純約害盈在矜驕  
 雖無君人德視民應不恍

其一

日夕陰雲起登城望洪河川氣冒山嶺驚湍激岩阿  
 歸鴈映蘭疇游魚動圓波鳴蟬厲寒音時菊耀秋華  
 引領望京室南路在伐柯大夏夏緬無覲崇芒鬱嶮岷峨  
 總總都邑人擾擾俗化訛依木類浮萍寄松似懸蘿  
 朱博糾舒慢楚風被瑯琊曲蓬何以直託身依叢麻



黔黎竟何常政成在民和位同單父邑愧無子賤歌  
豈敢陋微官但恐忝所荷

其二

在懷縣作

二首 文選校

南陸迎修景朱明送末垂初伏啟新節隆暑方赫曦  
朝想慶雲興夕遲白日移揮汗辭中宇登城臨清池  
涼飈自遠集輕襟隨風吹靈囿耀華果通衢列高椅  
承族蔓長苟薑芋紛廣畦稻栽蕭芊芊黍苗何離離  
虛薄乏時用位微名日卑驅役宰兩邑政績竟無施

我違京輦四載迄於斯噐非廊廟姿屢出固其宜  
徒懷越鳥志眷戀想南枝

其一

春秋代遷逝四運紛可喜寵辱易不驚戀本難爲思  
我來冰未泮時暑忽隆熾感此還期淹歎彼年往駛  
登城望郊甸游目歷朝市小國寡民務終日寂無事  
白水過庭激綠槐夾門植信美非吾土祇攪懷歸志  
眷然顧輦洛山川邈離異願言旋舊鄉畏此簡書忌  
祇奉社稷守恪居處職司



其二

內顧詩

二首

張燮本按

靜居懷所歡登城望四澤  
 春草鬱青青桑柘何奕奕  
 芳林振丹榮淶水激素石  
 初征冰未泮忽焉振絺綌  
 漫漫三千里迢迢遠行客  
 馳情戀朱顏寸陰過盈尺  
 夜愁極清晨朝悲終日夕  
 山川自悠永願言良不獲  
 別領訴歸期雲沉不可釋

其一

別領二句至臺作引領  
訊歸雲沈思不可釋

獨悲安所慕人生若朝露  
 綿邈寄絕域眷戀想平素  
 爾情既來追我心亦還顧  
 形體隔不達精爽交中路  
 不見山下松隆冬不易故  
 不見澗邊柏歲寒守一度  
 無謂希見跡在遠分彌固

其二

悼亡詩

三首 文選按

荏苒冬春謝寒暑忽流易  
 之子歸窮泉重壤永幽隔  
 私懷誰克從淹留亦何益  
 僂俛恭朝命迴心反初役  
 望廬思其人入室想所歷  
 幃屏無髮髯翰墨有餘跡  
 流芳未及歇遺挂猶在壁  
 悵恍如或存周惶忡驚惕



清黃門集 卷四  
十一  
如彼翰林鳥雙栖一朝隻如彼游川魚比目中路析  
春風綠隰來晨雷承簷滴寢息何時忘沉憂日盈積  
庶幾有時衰莊缶猶可擊

其一

皎皎窓中月照我室南端清商應秋至溽暑隨節闌  
凜凜涼風升始覺夏衾單豈曰無重纊誰與同歲寒  
歲寒無與同朗月何朧朧展轉盼枕席長簟竟牀空  
牀空委清塵空虛來悲風獨無李氏靈髮髯覩爾容  
撫衿長歎息不覺淚霑胸霑胸安能已悲懷從中起

空與目存形遺音猶在耳上慙東門吳下愧蒙莊子  
賦詩欲言志此志難具紀命也可柰何長戚自令鄙

其二

曜靈運天機四節代遷逝淒淒朝露凝烈烈夕風厲  
柰何悼淑儷儀容永潛翳念此如昨日誰知已卒歲  
改復從朝政衷心寄私制茵幃張故房朔望臨爾祭  
爾祭詎幾時朔望忽復盡衾裳一毀撤千載不復引  
豐豐朞月周戚戚彌相愍悲懷感物來泣涕應情墮  
駕言陟東阜望墳思紆軫徘徊墟墓間欲去復不忍



徘徊不忍去徒倚步踟躕  
落葉委埏側枯荻帶墳隅  
孤魂獨笑笑安知靈與無  
投心遵朝命揮涕強就車  
誰謂帝官遠路極悲有餘

其三

哀詩

漉如葉落樹邈若雨絕天  
雨絕有歸雲葉落何連山  
時氣冒岡領長風鼓松栢  
堂虛聞鳥聲室暗如日夕  
晝愁掩逮昏夜思忽終昔  
展轉獨悲窮泣下沾枕席  
人居天地間飄若遠行客  
先後詎能幾誰能弊金石

思子詩

造化甄品物天命代虛盈  
柰何念稚子懷奇隕幼齡  
追想存髮髯感悼傷中情  
一往何時還千載不復生

閣柱謠

世說作和嶠鞅裴楷鞅  
王濟別嬲不得休云

閣東有大牛王濟鞅裴楷鞅  
和嶠刺促不得休



潘黃門集卷第五

晉 東牟潘 岳著

明 河東呂兆禧校

議 頌 箴 贊 訓 誄

九品議 類聚卷五十二

天生蒸民而樹之君使司牧之勿失其性君不獨治  
於是乎建牧立監陳其輔佐故曰天工人其代之然  
則高官厚祿非明崇賢所以興治卑位下役非為上  
愚所以供職雖或開榮辱之門有爭競之弊而百王



莫之能易者此道不可以二故也方今天下隆平四海攸同薦賢達善各以類進夫觀民宣化為治之本雖實小邑猶須其人又中正之身優劣懸殊苟知人者智則不知者謬矣莫如達官各舉其屬萬嶽九列朝所取信郡守雖輕有刺史薦舉之當否實司其事考績累名施黜陟焉進賢受賞不進賢甘戮沮士人明為人自為謀庶公道大行而私謁息矣

上客舍議

類聚卷之四

由之逆旅久矣其所由來行者賴以頓止居者薄收其直交易貿遷各得其所官無役賦因人成利惠加百姓而公無末費語曰許由辭帝堯之命而舍於逆旅外傳曰晉陽處父過寧戚於逆旅魏武皇帝亦以為宜其詩曰逆旅整設以通商賈然則自堯唐到今未有不得客舍之法唯商鞅尤之固非聖世所言也方今四海會同九服納貢八方翼翼公私滿路近畿輻輳客舍亦稠冬有溫廬夏有涼蔭芻秣成行噐用取給疲牛必投乘涼近進發榻寫鞍皆有所聒又諸劫盜皆起於迥絕止乎人衆十里蕭條則奸軌生心連



陌接館則寇情震懾且聞聲有救已發有追不救有  
罪不追有戮禁暴捕亡恒有司存凡此皆客舍之益  
而官攤之所乏也又行者貪路告糴炊爨皆以昏晨  
盛夏晝熱又兼星夜既限早閉不及攤門一避晚關  
逆逐路隅祇是慢藏誨盜之原苟以客舍多敗法教  
官守棘攤獨復何人彼河橋孟津解券輸錢高第賢  
察數入校出品郎兩岸相檢猶懼或失之故懸以祿  
利許以功報今賤吏疲人獨專攤稅管開閉之權籍  
不校之勢此道路之蠹奸利所殖也率歷代之舊俗  
獲行留之權心使客舍灑掃以待征旅擇家而息豈  
非衆庶顛顛之望

許由頌

類聚三十六

邈哉許公執真履貞辭堯天下抱樸隱形川停岳峙  
澹泊無營棲遲高山與世靡爭虛薄忝任來宰斯城  
愧無惠化報產之政我我治所樂慕景名登箕道遙  
來過暮庭通於時憲頃筐不盈恨無旨酒奠公之人  
死而不朽公其有榮聊述雅美揚公馨聲

荅新婚箴

類聚四十



女實存色男實好德德在正色色在不惑故新舊兼  
弘義由理得君子過慮一已明箴防微測微文麗旨  
深敬納嘉誨敢酬德音

故太常任府君畫贊

聚類四十九

堂堂我君鑒象開慶逸德宜猷含真履素味道無悶  
守終純固弓與爰集撫翼清舉翰飛公庭龍升天路  
初長方國流化千里遂管秘籍辨章舊史入登常伯  
出作人士外內惟允庶績咸理中節日新令聞不已  
濟濟儒林翼翼國子

兩家銅人訓

類聚二十三

言之有減託乎多士言之不減絕之由已無曰莫傳  
宣于四海無曰莫聞響振萬里樞機之發榮辱之徵  
然豈在大纖介是興

楊荊州誄

并序

維咸寧元年夏四月乙丑晉故折衝將軍荊州刺  
史東武戴侯榮陽楊使君薨嗚呼哀哉夫天子建  
國諸侯立家選賢與能政是以和周賴尚父殷憑  
太阿矯矯楊侯晉之爪牙忠節克明茂績維嘉將



宏王畧肅清荒遐降年不永玄首未華銜恨沒世  
命也柰何嗚呼哀哉自古在昔有生必死身沒名  
垂先哲所躡行以號彰德以述美敢託旒旗爰作  
斯誄其辭曰

邈矣遠祖系自有周昭穆繁昌枝庶分流族始伯喬  
氏出楊侯奕世不顯允迪大猷天厭漢德龍戰未分  
伊君祖考方事之殷鳥則擇木臣亦簡君投心外朝  
策名委身奮躍淵塗跨騰風雲或統驍騎或據領軍  
篤生戴侯茂德繼期纂戎洪緒克構堂基弱冠味道

無兢惟時孝實蒸蒸友亦怡怡多才豐藝彊記洽聞  
目睇毫末心筭無垠草隸無善尺牘必珍足不輟行  
手不釋文翰動若飛紙落如雲學優則仕乃從王政  
散璞發輝臨軹作令化行邑里惠洽百姓越登司官  
肅我朝命惟此大理國之憲章君蒞其任視民如傷  
庶獄明慎刑辟端詳聽參臯呂稱侔于張改授農政  
于彼野王倉盈庾億國富兵強煌煌文后鴻漸晉室  
君以兼資參戎作弼用錫土宇膺茲顯秩青社白茅  
赤朱其祓魏氏順天聖皇受終烈烈楊侯實統禁戎



司管閭闔清我帝宮嵒山不作穆如和風謂督動勞  
班命彌崇茫茫海岱玄化未周滔滔江漢疆場分流  
秉文兼武時惟楊侯既守東莞乃牧荊州折衝萬里  
對揚王休聞善若驚疾惡如讎示威示德以伐以柔  
吳夷凶侈僞師畏逼將乘讎釁席卷南極繼寒糧盡  
神謀不忒君子之過引曲推直如彼日月有時則食  
負執其咎功讓其力亦既旋旆爲法受黜退守丘營  
杜門不出游目典墳縱心儒術祈祈縉紳升堂入室  
靡事不容無疑不質位貶道行身窮志逸弗慮弗圖

乃寢乃疾昊天不弔景命其卒嗚呼哀哉子大佐楚  
遺言城郢史魚諫衛以尸顯政伊君臨終不忘忠敬  
寢伏床蓐念在朝廷朝達其辭夕隕其命聖王嗟悼  
寵贈衾襚誅德策勲考終定謚八辟動懷邦族揮淚  
孤嗣在疚寮屬含悴赴者同哀路人增唏嗚呼哀哉  
余以頑蔽覆人重陰仰追先考執友之心俯感知已  
十達之深承諱怛涕淚霑襟豈忘載奔憂病是沈  
在疾不省於亡不臨舉聲增慟哀有餘音嗚呼哀哉

楊仲武誄

并序



楊經字仲武滎陽宛陵人也中領軍肅侯之曾孫  
荊州刺史戴侯之孫東武康侯之子也八歲喪父  
其母鄭氏光祿勳密陵成侯之元女操行甚高恤  
養幼孤以保久夫家而免諸艱難戴侯康侯多所  
論著又善草隸之藝子以妙年之秀固能總覽義  
旨而軌式模範矣雖舅氏隆盛而孤貧守約心安  
陋巷體服菲薄余甚竒之若乃清才儁茂盛德日  
新吾見其進未見其已也既籍三葉世親之恩而  
子之姑予之伉儷焉往歲卒於德宮里喪服周次

緇繆累月苟人必有心此亦款誠之至也不幸短  
命春秋二十九元康九年夏五月己亥卒嗚呼哀  
哉乃作誄曰

伊子之先奕葉熙隆惟祖惟曾載揚休風顯考無祿  
早終名器雖光勲業未融篤生吾子誕茂淑姿克岐  
克嶷知章知微鉤深探賾味道研幾匪直也人邦家  
之輝子之遘閔曾未亂髮如彼危根當此衝飈德之  
休明靡幽不喬弱冠流芳儁聲清劭爾舅惟榮爾宗  
惟瘁幼秉殊操違曹晏安匱撰錄先訓俾無隕墜舊文



新藝固不必肆播揚之穆有自來矣矧乃今日慎終  
如始爾休爾戚如實在已視予猶父不得猶子敬亦  
既篤愛亦既深雖殊其年實同厥心日昃景西望子  
朝陰如何短折背世湮沈嗚呼哀哉寢疾彌留守茲  
孝友臨命忘身願戀慈母哀哀慈母痛心疾首嗷嗷  
同生悽悽諸舅春蘭擢莖方茂其華荆寶擬璞將剖  
於和含芳委耀毀璧摧柯嗚呼仲哉痛哉柰何德官  
之艱同次外寢惟我與爾對筵接枕自時迄今曾未  
盈稔姑姪繼隕何痛斯甚嗚呼哀哉披帙散書屢觀  
遺文有造有寫或草或真執玩周復想見其人紙粉  
于手涕霑于襟龜筮既襲塋隧既開痛矣楊子與世  
長乖朝濟洛川夕次山隈歸鳥頡頏行雲徘徊臨穴  
求訣撫櫬盡哀遺形莫紹增慟余懷寃今往矣梁木  
實摧嗚呼哀哉

夏侯常侍誄

并序

夏侯湛字孝君譙國譙人也少知名弱冠辟太尉  
府掾賢良方正徵爲太子舍人尚書郎野王令中  
書郎南陽相家艱乞還頃之選爲太子僕未就命



而世祖崩天子以為散騎常侍從班列也春秋四十有九元康元年夏五月壬辰寢疾卒于延喜至第嗚呼哀哉乃作誄曰

禹錫玄珪實曰文命克明克聖光啓夏政其在於漢邁勳惟嬰息弘儒業小大雙名顯祖曜德牧交及荆父守淮岱治亦有聲英英夫子灼灼其雋飛辯摘藻華繁玉振如彼隋和彛彩流潤如彼錦績列素點絢人見其表莫測其裏徒謂吾生文勝則史心照神交唯我與子且歷少長逮觀終始子之承親孝齊閔參

子之友悌和如瑟琴事君直道與朋信心雖寔嗚呼猶賞爾音弱冠厲翼羽儀初升公弓既招皇輿乃徵內贊兩宮外宰黎蒸忠節允著清風載興決彼樂都龍子惟王設官建輔妙簡邦良用取喉舌相爾南陽惠訓不倦視人如傷乃眷北顧辭祿延喜余亦偃息無事明時疇昔之游二紀于茲斑白携手何歡如之居吾語汝衆實勝寡人惡傷黑俗疵文雅執戟疲揚長少投賈無謂爾高耻居物下子乃洗然變色易容慨然歎曰道固不同為仁由已匪我求蒙誰毀誰譽



何去何從莫涅匪緇莫磨匪磷子獨正色居屈志伸  
 雖不爾以猶致其身獻替盡觀媚茲一人謹言忠謀  
 世祖是嘉將僕儲皇奉轡承華先朝未命聖列顯加  
 入侍帝闈出光厥家我聞積善人降之吉宜享遐紀  
 長保天秩如何斯人而有斯疾曾未知命中年隕卒  
 嗚呼哀哉惟爾之存匪爵而貴甘食美服重珍兼味  
 臨終遺誓水錫爾類歛以時襲殯不簡器誰能拔俗  
 生盡其養孰是養生而薄其葬淵哉若人縱心滌愴  
 傑操明達因而彌亮軀軀既祖容體長歸存亡永訣  
 逝者不迫望子舊車覽爾遺衣幅抑失聲迸涕交揮  
 非子為慟吾慟為誰嗚呼哀哉日往月來暑退寒襲  
 零露霑凝勁風淒急慘爾其傷念我良執適子舊館  
 撫孤相泣前思未弭後感仍集積悲滿懷逝矣安及  
 嗚呼哀哉

馬汧督誄 并序

惟元康六年秋九月十五日晉故督守關中侯扶  
 風馬君卒嗚呼哀哉初雍部之內屬羗反未弭而  
 編戶之氏又肆逆焉雖王旅致討終於殄滅而蜂



蠶有毒驟失小利俾百姓流亡頻於塗炭建威喪  
元於好時州伯宵遯乎大谿若夫偏師裨將之隕  
首覆軍者蓋以十數剖符專城紆青拖墨之司奔  
走失其守者相望於境秦隴之僭輩吏爲魁旣已  
襲汧而館其縣子以眇爾之身介乎重圍之裏率  
寡弱之衆據十雉之城羣氏如蝟毛而起四面雨  
射城中城中鑿穴而處負戶而汲木石將盡樵蕪  
之竭芻蕘罄絕於是乎發梁棟而用之芻以鐵鑊  
機關旣縱礮而又升焉爨陳焦之麥柿栢榆之松  
用能薪芻不匱人畜取給青煙傍起樞馬長鳴凶  
醜駭而疑懼乃闕地而攻子命穴塹宜壺鑄瓶甒  
以偵之將穿鄉作因焚穢火薰之潛氏殲焉久之  
安西之救至竟免虎日之厄全數百萬石之積文  
契書于幕府聖朝時咨進以顯秩殊以幢蓋之制  
而州之有司乃以私隸數口殺十斛考訊吏兵以  
檟楚之辭連之大將軍屢抗其䟽曰敦固守孤城  
獨當群寇以少禦衆載離寒暑臨危奮節保穀全  
城而雍州從事忌敦勳效極推小疵非所以褒獎



元功宜解敦禁劾假授詔書遽許而子固已下獄  
發憤而卒也朝廷聞而傷之策書曰皇帝咨故督  
守關中侯馬敦忠勇果毅率屬有方固守孤城危  
逼獲濟寵秩未加不幸喪亡朕用悼焉今追贈牙  
門將軍印綬祠以少牢蒐而有靈嘉茲寵榮然縈  
士之聞穢其庸致思乎若乃下吏之肆其噤害則  
皆妬之徒也嗟乎妬之欺善抑亦冒首之讎也語  
曰或戒其子慎無為善言固可以若是悲夫昔稷  
立之戰縣賁父御魯莊公馬藪敗績賁父曰他日

未嘗敗績而今敗績是無勇也遂死之閩人浴  
有流矢在白肉公曰非其罪也乃誅之漢明帝時  
有司馬叔持者白日出都市手劔父讎視死如歸  
亦命史臣班固為之誄然則忠孝義烈之流慷慨  
非命而死者綴辭之士未之或遺也天子既已策  
而贈之微臣託乎舊史之末敢闕其文哉乃作誄  
曰

知人未易人未易知嗟茲馬生位末名卑西戎猾夏  
乃奮其竒保此汧城救我邊危彼邊奚危城小粟富



子以眇身而裁其守兵無加衛墉不增築婪婪群狄  
豺虎競逐輦更恣睢潛時官寺齊萬虓闕震礮台司  
聲勢沸騰種落煽熾旌旗電舒戈矛林植彤珠星流  
飛矢雨集惴惴士女號天以泣爨麥而炊負尸以汲  
累卵之危倒懸之急馬生爰發在險彌亮精貫白日  
猛烈秋霜稜威可厲懦夫克壯霑恩撫循寒士挾纊  
蠶蠶大牟阻衆陵寡潛隧密攻九地之下愜愜窮城  
氣若無假昔命懸天今也惟馬惟此馬生才博智瞻  
偵以瓶壺刷以長塹鍾未見鋒火以起焰薰戶滿窟  
措穴以斂木石置竭其稊空虛矚然馬生傲若有餘  
罵梁爲礪柿松爲芻守不乏械櫜有鳴駒哀哀建威  
身伏斧質悠悠烈將覆軍喪器戎釋我徒顯誅我帥  
以生易死疇克不二聖朝西顧關右震惶分我汧虜  
化爲寇糧實賴夫子思暮彌長咸使有勇致命知方  
我雖末學聞之前典十世宥能表墓旌善思人愛樹  
其棠勿翦矧乃吾子功深疑淺兩造未具儲隸蓋鮮  
就是勲庸而不獲免猾哉部司其心反側劉善害能  
醜正惡直牧人逶迤自公退食聞穢鷹揚曾不戢翼



忘爾大勞猜爾小利苟莫開懷于何不至慨慨馬生  
破齊克完張孟運籌危趙獲安汧人賴子猶彼談單  
如何吝嫉搖之筆端傾倉可賞矧云私粟狄隸可頒  
况曰家僕剔子雙龜貫以三木功存汧城身死汧獄  
凡爾同圍心焉摧剥扶老携幼街號巷哭嗚呼哀哉  
明明天子旌以殊恩光寵贈乃牙其門司勳班爵  
亦兆後昆死而有靈庶尉冤冤嗚呼哀哉

潘黃門集卷第五終

潘黃門集卷第六

晉 東牟潘 岳著

明 河東呂兆禧校

誄 哀文 哀辭 碑 弔祭

世祖武皇帝誄 藝文類聚十三

粵若稽古帝皇誕受休命作我晉室赫赫文皇配天  
竝日大行龍飛創制改物沉恩汪濊流澤洋溢上齊  
七政下綏萬邦四門穆穆五典克從惟清緝熙於變  
時雍愛盡事親教加百姓于喪過哀在祭餘敬后贊



冕服躬籍采盛六代畢奏九功咸詠行敦醇樸思貫  
玄妙蒞政端位臨朝光曜胄子入學辟雍宗禮國老  
恂恂貴遊濟濟莫孝匪子莫悌匪弟化自外明訓法  
以禮獷彼吳楚稱亂三代世歷五僞年幾百載邊垂  
虔劉王化阻闕羽檄星馳鉦鼓日戒帝御群師奉辭  
奪旅腹心庭爭爪牙疑沮天監獨照聖策乃舉朝服  
濟江止戈曜武野無交兵役不淹月僭號歸命稽顙  
晉闕邪界蠻流傍納百越表閭旌善德音爰發虞人  
獻箴周書垂誥酒懼其彘獸戒其冒於我大行縱心  
所好動不踰矩性與道與厭厭酣飲樂不辨顏桓桓  
振旅田無遊盤我德如風民應如蘭靡不夙夜無敢  
宴安務農望歲時或不稔小心翼翼恤民以甚御坐  
不怡撤膳賑廩西流垂精南金抑施永言孝思天經  
地義問誰贊事英彥髦士問誰翼侍博物君子潛明  
神鑒從衆屈已道濟羣生爲而不恃先天弗違後天  
降時萬物熙熙懷而慕思顛顛縉紳不謀同辭巖巖  
岱宗想望翠旗恭惟大行功成不居議寢封禪心棲  
冲虛策告不足太平有餘七十二君方之蔑如思樂



天德等壽嵩華如何寢疾背世登遐遷幸梓宮孤我  
邦家龜筮旣襲吉日惟良永指太極寧神峻陽群后  
擗踊長訣輶輅聖靈斯顧豈伊不傷家無遠邇邦靡  
大小四海供職同軌畢會茫茫原野亭亭素蓋縞輅  
解駕白虎弭旒龍輶卽定玄闈載局如天斯崩如地  
斯傾哀哀庶寮熒熒自愍彼蒼者天胡寧斯忍聖君  
不返我獨旋軫

南陽長公主誄

藝文類聚卷十六

昔唐女嬪媯書叙釐降之美周姬適齊詩詠肅雍之

歌漢之新野以節義垂號千載伊晉之獻玉以聰明  
睿智考終定謚茲可謂母儀純備邁蹤古烈者已惜  
乎不永背世湮沈爰託素旂式章徽音主之誕育旣  
纂洪胄德之休明亦固天授思心婉孌淑質純茂母  
儀不忒內則靡疚肇自弱笄有馥其芬言告言婦詐  
合於荀在貴思降處逸能勤上虔諸姑傍接吏嬪日  
誥閨闈外和族姻終溫且惠淑慎其身積善餘慶啟  
茲名胤厲以惠肅誨以柔順主實體化不言而信二  
子遵式匪嚴而峻於穆獻后奕代熙盛重作大司黎



清黃門集卷六  
牧火正國之仁姑家之慈母天道輔賢宜享遐壽如  
何短命曾不華首寢疾弗興繁榮摧朽嗚呼哀哉容  
車戒路祖奠在庭駢駮躊躇服馬悲鳴皇輿親臨望  
旗失聲列辟咸起灑淚霑纓嗚呼哀哉既次墓門降  
柩升輜靈衣從風素幕生塵明燎守夜竦紼俟晨噉  
噉遺嗣煢煢孤臣號無廢音涕不輟巾

皇女誄

藝文類聚卷十六

厥初在鞠王盾華繁玄髮修曜蛾眉連娟清顧橫流  
明眸朗鮮連時夙智望歲能言亦旣免懷提携紫庭  
聰惠機警授色應聲疊疊其進好日之經辭令穴止  
閑於幼齡猗猗春蘭柔條含芳落英彫矣從風飄颻  
妙妙弱媛窈窕淑良孰是人斬而離斯歿靈殯旣祖  
次此暴廬披覽遺物徘徊舊居手澤未改領臆如初  
孤魂遐逝存亡永殊嗚呼哀哉

太宰魯武公誄

藝文類聚四十五

昂昂公侯實天誕育八元斯九五臣茲六揜討逆節  
折衝江湖走欽擒儉梟誕弊吳公于出征爰整其旅  
壘未越郊麾不及舉秦涼獲又西戎卽叙他人之賢



警彼丘陵邈矣公侯如日之昇泰山其頽寢疾不興  
遐邇曷仰社稷焉憑生則榮易終哀實難靡不春華  
鮮克歲寒於乎公隕率土含酸趙喪望諸列國同傷  
秦亡蹇叔春者不相桃李不言下自成行德之休明  
沒能彌彰

宜城宣帝誄

御覽二百二

行成于已名生于人考終定謚實曰宣君祝宗蒞事  
卿相奉引輕車整駕介士列陣鸞輅依容輜車升輓

庾尚書誄

類聚四十八

寬而能懷威而不猛化行如形民應如影暄暄虛坐  
翩翩玄幕几席生塵空館寥廓

景獻皇后哀策文

藝文類聚卷十五

於穆先后儷皇協運世宗之胤德博化先用儉禮峻  
任姒隆周后亦母晉終溫且惠其儀淑慎旣慎其儀  
克明禮教撫翼齊蕃訓成弘操其慈有威不舒不暴  
乃家乃邦是則是效嗟爾艱屯仍遭不造靡恃惟妣  
景命弗保心之云痛痛貫穹昊襲龜筮之良辰啟幽  
房之潛隧整武駕之隆牡結龍輶之縞駟望旂常而



崩摧披輜輶以增欵口嗚咽以失聲目橫迸以灑淚  
邈兩絕於宮闈長無覩於彷彿

### 哀永逝文

啓夕兮宵興悲絕緒兮莫承俄龍輻兮門側嗟俟時  
兮將升嫂姪兮章惺慈姑兮垂矜聞鷄鳴兮戒朝咸  
噓號兮撫膺逝日長兮生年淺憂患衆兮歡樂鮮彼  
遙思兮離居歎河廣兮宋遠今柰何兮一舉邈終天  
兮不返盡余哀兮祖之辰揚明燎兮援靈輶撤房帷  
兮席庭筵舉酌觴兮告永遷悽切兮增欵俯仰兮揮

淚想孤鬼兮眷舊宇視倏忽兮若彷彿徒髮髯兮在  
慮靡耳目兮一慮停駕兮淹留徘徊兮故處周求兮  
何獲引身兮當去去華輦兮初邁馬迴首兮旋施風  
泠泠兮入帷雲霏霏兮承蓋鳥俛翼兮忘林魚仰沫  
兮失瀨悵悵兮遲遲遵吉路兮凶歸思其人兮已滅  
覽餘跡兮未夷昔同塗兮今異世憶舊歡兮增新悲  
謂原隰兮無畔謂川流兮無岸望山兮寥廓臨水兮  
浩汗視天日兮蒼茫面邑里兮蕭散匪外物兮或改  
固歡哀兮情換嗟潛隧兮旣敞將送形兮長往委蘭



房兮繁華龔窮泉兮朽壤中慕叫兮擗標之子降兮  
宅地撫靈櫬兮訣幽房棺冥冥兮挺窈窈戶闔兮燈  
滅夜何時兮復曉歸反哭兮殯宮聲有止兮哀無終  
是乎非乎何遑趣一遇兮目中既遇目兮無兆曾寤  
寐兮弗夢既顧瞻兮家道長寄心兮爾躬重曰已矣  
此蓋新哀之情然耳渠懷之其幾何庶無愧兮莊子

為楊長文作弟仲武哀祝文

類聚三十四

悠悠上天我獨何辜祖考早世兄弟幼孤備嘗艱毒  
同集蓼荼父兮生我過庭靡聞母兮鞠我寧一苦辛

日頽日復我弟我身並自垂髮越于成人濬哲聰朗  
純粹溫良烈烈清風邦族之望母氏劬勞庶爾之報  
彼蒼者天子何不弔殲我令弟窮泉是造無父何怙  
無弟何友煢煢此身哀哀慈母煩毒撫心思咎哀爾  
薄祐逢家多阻弱冠未室盛年絕緒喪庭寥廓廬位  
無主冥冥長夜窈窈玄宇當復何時見我仲武于以  
祔之于其王公菟而有靈神其寧處

哭弟文

類聚三十一

視不見兮聽不聞逝日遠兮憂彌殷終皓首兮何時



忘情楚惻兮常苦辛

傷弱子辭

并序 類聚三十四

予之長安次于新安千秋亭而弱子天感羸博之  
哀乃傷之曰

柰何兮弱子邈棄爾兮丘林還睡兮墳瘞草莽莽兮  
木森森伊窳世之遐胃逮祖考之永延咨吾家之不  
嗣羗一適之未甄仰崇堂之遺措若無津而涉川葉  
落求離覆水不收赤子何辜罪我之由

金鹿哀辭

同上

吟我金鹿天姿特挺鬚髮凝膚蛾眉螭領柔情和春  
朗心聰警嗚呼上天胡忍我門良嬪短世令子天昏  
既披我幹又剪我根槐如癩木枯菱獨存捐子中野  
遵我歸路將反如疑迴首長顧

陽城劉氏妹哀辭

同上

鳥鳴于栢鳥號于荆徘徊躑躅立聞其聲相彼羽族  
矧伊人情叩心長叫痛我同生誕育聖王發竒稚齒  
如彼名駒昂昂千里劉氏懷寶未曜隋和伊予輕弱  
弗克負荷祿微于朝貯匱于家俾我令妹勤儉備加



清黃門集卷六  
珍羞罕御器服靡華撫膺恨毒逝矣柰何哀哀母氏  
蒸蒸聖慈震動擗標何痛如之竟而有靈豈不慕思  
嗟哉往矣當復何時

悲邢生辭

同上

周文公之苗裔予元舅之洪胄厲操確其不拔鄉譽  
著而日就妙邦畿而高察雄州問以擢秀茂實暢矣  
而休名未衍其財至貧其位至賤而死之日奔者盈  
庭停予車而在郊撫靈櫬以增悲瞻轎容而想像曾  
無覲乎餘輝送子兮境垂永訣路岐一別兮長絕帶

哀今告離

京陵女公主王氏哀辭

同上

猗歟公子季女惟王生自洪胄稟茲義方盼倩粲麗  
窈窕淑良如彼春蘭吐葩含芳葩以霜隕芳以歇盡  
彼蒼者天胡寧斯忍曾未弱笄無疾而隕官朝震驚  
靡人不愍嗟爾母氏劬勞撫鞠恩斯勤斯是長是育  
帷屏媚子奄離頌復哀無廢心涕不輟目于以祖之  
于掖閨庭于以送之陵崗崔嵬僕馬迴眷旗旒旋飛  
夕陽失暎晴鳥忘歸皎皎霄月載盈載微冥冥公子



一往不追長夜無旦孤魂曷依

為任子咸妻作孤女澤蘭哀辭

并序  
類聚三十四

澤蘭者任子咸之女也涉三齡未沒衰而殞余聞而悲之遂為其母辭

茫茫造化爰啟英淑猗猗澤蘭應靈誕育鬢髮蛾眉巧笑笑美目顏耀榮若華茂時菊如金之精如蘭之馨淑質彌暢聰惠日新朝夕顧復夙夜盡勤彼蒼老天哀此矜人胡寧不惠忍予眇身俾爾嬰孺微命弗振俯覽衾衾仰訴穹昊弱子在懷既生不遂存靡託躬

沒無遺類耳存遺響日想餘顏寢席伏枕摧心割腹相彼鳥矣和鳴嚶嚶矧伊蘭子音影冥冥彷徨丘隴徙倚墳塋

密陵侯  
司空鄭袤碑 類聚四十七

陳謨台階翼和鼎實顯績成於臺省清風暢於所蒞故能老安少懷遠至邇親凡厥縉紳之士所以挹酌洪流含咀英芳者猶旱苗之仰膏雨湛露之晞朝陽也銘曰

於鑠元侯則天垂象弘操嶽峻宇量深廣允恭克讓



宣哲清朗有始有卒可大可久言由忠信行履孝友  
光光金貂再冠其首赫赫皇符仍拆其部義格皇穹  
德冠羣后清風顯烈沒而不朽

荊州刺史東武戴侯楊使君碑

類聚五十

君誕保靈和繼期載德宣哲清朗直道高尚若乃嘉  
號推賢博愛濟衆邦黨服其義而縉紳慕其風于時  
文后曆數在躬相國幕府實允華夏九德咸事俊乂  
在官成君名器納字參軍宏略被於南國美化行乎  
江漢西陵之後懸卑深入親薄寇壘躬行天誅既而  
救兵不進糧盡道窮因乃撫然廻慮殿其衆而返雖  
爲法受黜勲庸未崇而天下伏其勇世主思其忠

弔孟嘗君文

類聚四十一

人罔貴賤士無真僞延入如歸望賓若企出握秦機  
入專齊政右盼而羸強左顧而田競且以造化爲水  
天地爲舟樂則齊喜哀則同憂豈區區之國而大邦  
是謀瑣瑣之身而名利是求畏首畏尾東奔西囚志  
撓於木偶命懸於狐裘

爲諸婦祭庾新婦文

類聚三十六



潛形幽櫬寧神舊宇室虛風生牀塵帷舉自我不見  
載離寒暑雖則乖隔哀亦時叙啟殯今夕祖行明朝  
雨絕華庭埃滅大宵儷執箕箒偕奉夕朝髮髯未行  
顧瞻弗獲伏膺飲淚感今懷昔懷昔伊何祁祁姊姒  
感今伊何冥冥吾子形未廢目音猶在耳

